

## SA LÌNGUA SARDA: ELEMENTU DE UNIDADI PO IS SARRABESUS

Annu nou, progetu nou! Torrat a abrexì s'Ufitziu de sa Lìngua sarda de su Sàrrabus! Su progetu, cumentì s'annu passau, est partiu in 3 partis: 1) s'ofitziu de sa lingua: produsit materiali didàticu e informativu, cuncordat atòbiu in is scolas e cun sa comunidadi, donat consulèntzias a is citadinus e fait sèrvitziu de furriadura. Su martis s'agatais in sa Domu Cumunali de Bidd'e Putzi; su giòbia in sa Domu Cumunali de Santu 'Idu e su cenàbara in sa Biblioteca Cumunali de Murera. Oràriu 8:30 - 13:30; 2) s'atividadi formativa: ocannu funt previdius 3 cursus de formatzioni, unu pròpriu de l'inghisa sarda, unu de stòria e architettura sarda e de su Sàrrabus, e un'àteru de economia de su Sàrrabus; 3) is atividadis culturalis: ocannu nc'est unu programma arricu meda cun laboratòriu didàticu, atòbiu divulgativu cun sa comunidadi e is clàssicas bisitas gujadas in is logus prus bellus e interessantis de su Sàrrabus. Po sa gestioni de su servitziu est stètia torrada a cunfirmari sa sociadadi Sua.

Sa nova prus bella de ocannu est ca su progetu est stètiu promòviu dae totus de is tres amministratzionis sarrabesas Santu 'Idu (cabufila), Bidd'e Putzi e Murera. Sinnu craru de sa boluntadi de is amministratzionis de ponni s'amparu e s'avaloramentu de sa lingua de is sardus in is prioridadis de sa faina de governu de sa terra nosta. Su sardu passat de essi chistioni de certu e de partidura intra de is biddas a elementu de cunfrontu e de arrexonamentu. In cussas diferèntzias piticheddas chi agataus intra de is biddas nc'est un'arrichesa manna chi, posta impari, cumponit s'identidadi nosta de sarrabesus e de sardus. Non eus mai tentu duda, su tempus de su sardu est torrendi!

Tandu invitaus a totus a pigai parti a is atividadis nostas e a si s'ighiri me in Facebook e Instagram @uls.sarrabus.

A si biri sanus e sardus!

- Danilo